

Arkiv: <arkivID><jpID> FE-026
JournalpostID:
Sakshandsamar:
Dato: 02.02.2023

Saksframlegg

Saksnr.	Utval	Møtedato
018/23	Utval for helse og omsorg	07.02.2023
016/23	Alver formannskap	09.02.2023
023/23	Alver kommunestyre	23.02.2023

Avtale om administrativt vertskommunesamarbeid - Nordhordland Legevakt

Kommunedirektøren sitt framlegg til vedtak:

Kommunestyret i Alver vedtek «Avtale om administrativt vertskommunesamarbeid – Nordhordland legevakt» slik den ligg føre.

Utval for helse og omsorg 07.02.2023:

Handsaming:

Kommunedirektør Ørjan Forthun Raknes orienterte og svara på spørsmål.
Utalet sluttar seg samrøystes til kommunedirektøren sitt framlegg.

HO- 018/23 uttale:

Utalet sluttar seg til kommunedirektøren sitt framlegg.

Alver formannskap 09.02.2023:

Handsaming:

Kommunedirektøren sitt framlegg vart samrøystes vedteke.

FO- 016/23 innstilling:

Kommunestyret i Alver vedtek «Avtale om administrativt vertskommunesamarbeid – Nordhordland legevakt» slik den ligg føre.

Alver kommunestyre 23.02.2023:

Handsaming:

Framlegg frå S.Sekkingstad-SP:

Saka vert utsett og handsama i kommunestyret etter handsaming i regionrådet.
Kommunestyre vedtek at eksisterande avtale om administrativt vertskommunesamarbeid om Nordhordland legevakt vert forlenga fram til og med månaden siste kommunestyre i samarbeidet gjer vedtak om ny avtale om administrativt vertskommunesamarbeid om Nordhordland legevakt.
Framlegget vart samrøystes vedteke.

KO- 023/23 Vedtak:

Saka vert utsett og handsama i kommunestyret etter handsaming i regionrådet.
Kommunestyre vedtek at eksisterande avtale om administrativt vertskommunesamarbeid om Nordhordland legevakt vert forlenga fram til og med månaden siste kommunestyre i samarbeidet gjer vedtak om ny avtale om administrativt vertskommunesamarbeid om Nordhordland legevakt.

Politisk handsaming

Saka skal til uttale i utval for helse og omsorg
Saka skal til innstilling i formannskapet
Saka skal avgjeraast i kommunestyret

Bakgrunn

I sak 155/21 Vertskommunesamarbeid om Nordhordland legevakt, vart det gjort følgjande vedtak:
«Avtale om administrativt vertskommunesamarbeid om Nordhordland legevakt vert sagt opp med mål om å inngå ny avtale i 2022».

Inngått avtale om administrativt vertskommune-samarbeid i 2013 mellom Lindås kommune og kommunane Austrheim, Fedje, Lindås, Masfjorden, Meland, Modalen, Radøy, Gulen og Osterøy om Nordhordland legevakt og øyeblikkeleg hjelp døgntilbod - vedtak
14.02.2013 KO sak 11/13.

Det er 1 år oppseiingstid på avtalen gjeldande frå kvart årsskifte.

Alver kommune har overtatt Lindås kommune sitt vertskommuneansvar etter kommunesamslåing mellom Lindås, Radøy og Meland frå 2020. Før årsskiftet i 2020 sa Fedje kommune opp avtalen og gjekk ut av samarbeidet om legevakt og øyeblikkeleg hjelp døgnenger frå 1.januar 2022. Dei vil frå 2022 berre vera tilknytt legevaksentralen (116 117).

Hausten 2020 vart det starta opp eit prosjekt der formålet med prosjektet var å sikre ei organisering med medisinsk forsvarlege tenester innanfor kommunane sine økonomiske rammer. Prosjektgruppa var samansett av fungerande legevaksjef, fagsjukepleiar legevakt, kommunalsjef frå samarbeidskommunane og hovudtillitsvald. Prosjektet vart leia av tenesteleiar for lege- og rehabiliteringstenester. Referansegruppe var fagråd for kommuneoverlegar, tilsette ved Nordhordland legevakt, administrativ nemnd for NHLV, rådmennene og kommunalsjefar i samarbeidskommunane. Prosjektet sin konseptfase er no avslutta og det vert gjennomført ei risiko- og sårbarheitsanalyse (teneste-ROS) ved legevaka. I samband med dette vert det gjort vurdering av om tenestene er fagleg forsvarleg. På bakgrunn av endringar som kommunesamslåing, oppseiing frå ein av samarbeidskommunane, behov for å vurdere økonomisk fordeling og om legevaka oppfyll krava til å vere medisinsk forsvarleg vart det vurdert som formålstenleg å seie opp avtalen frå 2013.

Saksopplysningar

Avtale om administrativt vertskommunesamarbeid om Nordhordland legevakt vart sagt opp i desember 2021, med mål om å inngå ny avtale i 2022. Legevaksjef, tenesteleiar for legetenesta og rehabilitering, kommunalsjef helse og omsorg og kommunedirektør har i samarbeid utarbeid forslag til avtale. Kommunedirektøren har hatt ein prosess med kommunedirektørar/rådmenn i samarbeidskommunane for å kome fram til ei avtale som ein administrativt er einige om. Dette arbeide var sluttført i eit felles møte mellom kommunedirektørar/rådmenn 18. november 2022. Dette var dessverre for seint til å rekke handsaming i alle kommunestyra før jul og saka vert lagt fram no.

Tilbodet frå Nordhordland legevakt til kommunane stettar det som til ein kvar tid er lovkrav og tilrådingar til tenesta. Den interne organiseringa er endra som følje av at ØHD-tilbodet på Helsehuset er flytta ut i kvar enkelt kommune. Bemanningsplanen føl sentrale anbefalingar til lege og sjukepleiarbemannning.

Innhaldet i avtalen føl krav i lova for avtale om administrativt vertskommunesamarbeid.

I kapittel 8 i avtalen er «rapportering og informasjon» omtala. Det vert lagt opp til at ordførarane vert orientert ein gong i året om Nordhordland legevakt. Avtalen legg opp til at dette skjer i samband med eit av møta i regionrådet.

For samarbeidskommunane var det viktig å få på plass tydelegare styrings- og rapporteringsrutinar. Det er difor utarbeidd ein administrativ og fagleg samarbeidsavtale. Denne ligg ved saka til orientering. Denne er utarbeidd av kommunedirektørane/rådmennene i samarbeidet.

Det vert lagt opp til at dagens administrative nemnd beståande av kommunalsjefar vert lagt ned. I staden vert Norhordland legevakt tema på to fellesmøte i året mellom kommunalsjefar og kommuneoverlegar etter kap. 7 i avtala.

Det er også lagt inn i avtalen at det skal vere eit årleg møte mellom vertskommunen og kvar enkelt av samarbeidskommunane. Dette er ei ny ordning.

Kommunedirektøren i vertskommunen skal i staden etter kap. 6 i «Administrativ og fagleg samarbeidsavtale» rapportere til dei andre kommunedirektørane/rådmennene:

«6. Rutinar for administrativ rapportering

Rådmenn/kommunedirektørar i vertskommunen og samarbeidskommunane skal ha møte minimum tre gongar i året. Desse møta vert i utgangspunktet satt opp i samband med tertialrapportar, årsavslutning og budsjett.

I desse møta skal minimum følgande tema vere på dagsorden:

- Fagleg status legevakta
- Økonomi (løpende rapportering, årsrekneskap og budsjett)
- HMS og sjukefråvær
- Avvik
- Gjennomgang av Alver kommune sitt styrings- og rapporteringssystem (ein gong i året)
- Gjennomgang av politiske og administrative vedtak som gjeld legevakta/legevaktsentral.

Vertskommunen utarbeider ein kortfatta årsrapport.»

Kommunedirektørane/rådmennene i kommunane i samarbeidet er kome fram til at 22 % fastdel er eit rimeleg utgangspunkt for kostnadsfordelinga mellom kommunane framover. Med dette vil Alver kommune betale 55 % av totale kostnader med utgangspunkt i folketal pr. 1.1.2022. Alver kommune sin del av totalt folketal aukar noko år for år. Dette gjer at Alver sin del av totale kostnader aukar tilsvarande.

Frå ny avtaleperiode er det lagt inn kr 1,5 mill. i administrativt påslag til vertskommunen. Dette påslaget går inn i kostnadsfordelinga på vanleg måte.

Legevakta har variable kostnader og inntekter som er omtrent like store. Dette inneber at tal besökande har lite å sei for totalkostnaden. Den største kostnadskomponenten er kostnader til leger og sjukepleiarar i vakt. Denne bemanninga er fast og Nordhordland legevakt føl nasjonale anbefalingar for ein legevaktsmed vårt befolkningsgrunnlag (Ca. 45 000 innb.).

Alle kommunar har både økonomisk og faglege fordelar av samarbeidet. Dei minste kommunane har størst prosentvis økonomisk fordel av samarbeidet, mens Alver kommune har fordel av at legevaksamarbeidet er lokalisert til Knarvik.

Vedlegg i saken:

03.02.2023	Avtale om administrativt vertskommunesamarbeid Nordhordland legevakt	1876324
03.02.2023	Administrativ og fagleg samarbeidsavtale knytt til vertskommunesamarbeid om legevaktsentral	1876323